

永樂大典

卷三千一百四十  
五

永樂大典卷之三十一百四十五

九真

陳

陳師錫

宋史列傳師錫字伯脩建州建陽人熙寧中游太學有傷  
屢歎賞顧侍臣曰此必陳師錫也啓封果然擢為第三調昭慶軍事書記  
郡守蘇軾器之倚以為政軾得罪捕詣臺獄親朋多畏避不相見師錫獨  
出錢之又安輯其家知臨安縣為監察御史上言宋興享國長久號稱太  
平者莫如仁宗切考致治之本不過延直言御群下進善退邪而已明道  
中親覽萬幾見政事之多辟輔佐之失職自呂夷簡張耆夏竦陳堯佐范  
雍晏殊等一日罷去寶元初冬雷地震用諫官韓琦之言王隨陳堯佐范  
億石中立同時見黜其後不次擢用杜衍范仲淹富弼韓琦以成慶曆嘉  
祐之治願稽皇祖納諫御臣之意以興治功帝善其言時詔進士習律師  
錫言陛下大闡學校用經術訓迪士類不應以刑名之學亂之夫道德  
本也刑名末也教之以本人猶趨末况教之以末乎望追廢其制使得悉

永樂大典卷之三十一百四十五

意本業用事者謂倡為說說出知宿遷縣元祐初蘇軾三上章薦其學術  
淵源行己潔素議論剛正器識靖深德行追蹤於古人文章冠絕於當世  
乃入為秘書省校書郎遷工部員外郎加秘閣校理提點開封縣鎮建言  
銓法選人用舉者遷升而歲有定額今請託者溢數而寒峻有不足之患  
請為之限約畿內將官苛慘失士心方大閱群卒諱諱將吏莫知所為師  
錫馳至軍推首惡者致諸法按閱如初而劾斥其將縣人歎服樞密院猶  
以事不先白為罪罷知解州歷考功員外郎知宣州蘇州徽宗立召拜殿  
中侍御史疏言元豐之末中外洶洶矣宣仁聖后再安天下安國而治者  
司馬光呂公著爾章惇誣其包藏禍心至於追貶天相陛下發潛繼統而  
惇猶據高位光等贈謚未還墓碑未復願早據宸畧以慰中外之望蔡京  
為翰林學士師錫言京與弟卞同惡迷國誤朝而京好大喜功銳於改作  
日夜交結內使戚里以覲大用若果用之天下治亂自是而分祖宗基業  
自是而隳矣京援引死黨至數百人鄧洵武內行汙惡搢紳不齒豈可淳  
穢史筆向宗回宗良亦陰為京助是皆國之深患為陛下憂為宗廟憂為  
賢人君子憂若出之于外社稷之福也帝曰此於東朝有礙卿為我處之  
對曰審爾臣當具白太后遂上封事言自昔母后臨朝危亂天下載在史

毋可考而知。至於手書選政，未有如聖母。退抑譙避，真可為萬世法。而蔡京陰通二向，妄言宮禁預政，以誣聖德，不可不察也。詔索秘閣圖書，師錫言六經載道，諸子言理，歷代史籍，祖宗圖書，天人之蘊，性命之妙，治亂安危之機，善惡邪正之迹，在焉。望留意於此，以唐山水圖代無逸為監，俄改考功郎中。師錫抗章言曰：臣在職數月，所言皆當今急務，若以為非陛下方開納褒獎，若以為是，則不應遽解言職。如蔡京典刑未正，願受竄貶於是。出知穎、廬、滑三州，坐黨論監衡州酒，又削官置郴州。卒年六十九。師錫始與陳瓘同論京，京時號二陳。紹聖中，贈直龍圖閣、東都事、魯師錫。徽宗時召為殿中侍御史，與陳瓘論列蔡京之罪，不見聽。遂求罷，出知滑州。罷為提點靈仙觀，以元祐黨籍謫監衡州酒稅。遇赦，監潭州南嶽廟。會有妄言宮掖事，得罪者，語連及師錫，削官貶郴州。累赦復官。卒年六十九。建安志：陳師錫，浦城人。其先，占籍建陽，自幼力學能文。又瀚嘗試以高祖設壇賦，援筆立就。且譏漢祖不能保全功臣，坐客皆驚。初調昭慶軍節度掌書記，即受知於歐陽文忠。蘇東坡、艾忠作五代史，命公為序。次知杭州、臨安縣。東坡舉公自代，其辭云：有名賢之德行，追蹤古人，有西漢之文章，冠絕當世。召充監察御史，權殿中侍御史、大臣誣陷司馬光、呂公著等，乞復謚。

命給還其碑，及論鄧洵武不當預編脩，皆左遷。東坡再舉充學問該博，可備顧問，科除祕書省校書郎，改工部員外郎，乞補外，知解州。除宣州，就移蘇州。徽宗初，召除殿中侍御史。蔡京兄弟方得君，公力彈之。乞正典刑，卞出知江寧，落職安置。而京獨留，公從論京罪惡，章八不報。遷考功郎中。出知潁州，移廬州。除江東轉運使，知滑州。京既當編置黨籍，中謫衡州。監酒逾年，安置郴州。宣和末，復朝請大夫。卒。紹興初，追贈左諫議大夫。直龍圖閣。公前後章疏幾二萬言，被詔旨追索，災毀殆盡。今存者止十五篇。蔡政李光敘其首云：當京執政幾二十年，諫諍路絕。卒之夷狄亂華，主民塗炭，公言始效。昔司馬溫公誌呂獻可墓，稱其論列王安石於海內歸重之時，人主委任之際，必謂明達先識，已所不及。伯脩可謂無愧於前人矣。宋名臣言行錄：徽宗召師錫為殿中侍御史，時諫官御史專以犯顏嬰鱗，排擊奸邪為職，若論而不切，則不能起人主之意，辨之不早，則不能折禍亂之萌。建中靖國初，蔡京方為翰林學士承旨，雖明智之士，未能知其必亂天下也。公獨慨然論奏，條其過惡，章凡四五上而不已。後京遂為執政，盡逐異己者，固寵市權，熒惑主聽，握國柄者幾二三十年。諫諍之路自此塞絕。卒之夷狄亂華，生民塗炭，公之言始效於此，可不謂先見之明乎。



# 陳經

宋沈氏三先生集故信陽軍羅山縣令陳君墓誌銘并序君諱經字公適其先平原獻次合曾王父克王父象之始徙居汝州

世治經為儒者君之考尚以家學進終駕部員外郎君少好學能屬文以進士起家為蘇州廣濟主簿民有犯法坐死者獄已上府屬君攝命以其情應讞謂守為理其死州從之得減死論囚亦自不知所以得免者人以此稱君恤親喪去喪除為真州六合主簿六合真大邑多強宗挾吏整市權養客令以下為其俯仰君適到有吏慢詬于縣門之下君欲憐治之或以其過薄爭以謂民敢慢視其長上職根吏以為姦今法不行於吏而獨恠民不畏法無義於是繫治踰月刑而後徇于市橫猾為之縮氣會泗州時貽令以疲不職廢本部擇可任劇者以君行而時貽以治聞獄有久不核者君得其期據以示之皆憚服無敢不情州部官長交薦君稍遷信陽軍羅山令乃開館延四方學者與之講學清談終日及殿課吏狀而羅山復在寂格居無幾以疾卒于其官享年四十君學人也於先王之業無所不悅其為人仁而才居家得鄉人之歡姻族益親任于官則當劇處繁能以多為約人信賴之壽不中身位不出吏部選方其無事亦無以發君之才且仁人所以之斯君者於君也何憾焉夫人徐氏生四男子曰寒宇

永樂大典卷三百四十五

三

察憲皆學于鄉先生察為宣德郎知湖州烏程縣事與宿興鄉人賢之熙寧四年舉君之喪卜于胸山之陰以葬屬予為之銘予方病彌旬不及君之成事於是徐夫人之附也乃卒銘焉某與烏程同年進士烏程允為君子也與予雅善得予如烏程宜且不朽予則銘夫藏耳乎銘曰有丘如廩有山如胸賦茲忠人作是吉居彼強而落曾謂弗溝純莫予疵豈不令壽宅物惟夥宅卜伊祐匪為斯感信淑有後

# 陳孝嘗

宋劉忠肅公集撰陳仲明墓銘君諱孝嘗字仲明某主十年皇考妣棄其孤實鞠于外祖父贈祕書監陳公是時公

以疾退居東平里第將沒以劉氏孤屬其五子某當竊自惟念親既不得而見之終乃幸得諸舅從之其庶矣乎其後長立竊食于信出處二十年間舅氏之相次亡者四合獨君一人者在而以風痺卧家雖然每以事君告做過鄉里時得拜其左右瞻候其安否語言相問訊尚足以自慰其念母罔極之意而今又亡矣當時之所從吾母之同氣於是遂盡嗚呼其可不悲也哉君公第二子性謹孝侍疾親喪能盡其志與兄弟相友愛交人有信義少時讀書作文辭尤刻苦為詩旁治鑿藥陰陽之學將葬憲葬師多拘固自究其書有所去取以從事無違于禮尤喜佛書通性宗蓋有自

永樂大典

卷三二四五

悟者其論雖禪學老師往往為屈故恬夷安分無慕乎外初公為尚書也田郎中年六十得疾求致仕以思任君君曰大人小疾輕去而為其子計某未安也公遂分司南都曾祖諱咸卿祖諱肅贈尚書戶部侍郎祕書公諱希古君娶馮氏龐氏子男五人曰浩曰浚曰冲曰淳曰洵皆學進士浩冲嘗與計階七女子二已嫁四幼亡一在室君之亡實元豐五年七月三日享年六十八遂以其年九月二十八日葬于鄆之須城縣盧泉鄉光瑩之原合以馮氏銘曰嗚呼陳氏遠有德社中嘗振顯報施未侈逮君之世沒微弗興而以孝弟鄉里滋稱學行恂恂視其諸子德後必昌庶將在此

陳鑄

黃陽志宋朝自熙寧以來始詔卿監限負有缺則補時郡人陳鑄首遣光祿卿鄉人喜曰吾鄉有作卿者也鑄登知南雄州潮州登州所賜恤獄其初書尚藏于家蓋治平以前凡任郡寄者例皆以重書賜之同郡職方郎中翁彥升歷守瑞州梓州亦需是賜其辭並同鑄始以殿中丞通判福州朝士以歌詩重其行凡七十有二篇蔡端明襄為之序端明又有和鑄南州新詠云無意孤吟探幽致他時行橐定空還

陳宗諤

澧川志宗諤字昌言居州南龍津門家世業儒文筆高子為鄉閭推敬其家塾為養源堂又有資深齋生平著述謂之養

永樂大典卷三二四五

四

源集今猶存焉澧川集中有記文筆力尚可見紫岩張魏公在連日獨喜與之論文其子南軒以兄事之嘗為賦養源堂詩宗諤任為瀧水丞攝瑞溪令所至有治聲同寮有貪者喻之曰可下手矣宗諤正色叱之曰廉稍幸粗給外此過求何以為子孫地耶後魏公入覲有意擢用人已云亡惜哉謝無逸溪堂集陳居士墓表居士臨川人字昌言名宗諤姓陳氏兒時從鄉里老師學日未午誦千餘言如建瓴水兒曹皆卻步不敢比肩立老師捫其背曰汝其克陳氏宗乎先考即世母夫人黃氏語其姑沈夫人曰府君既從迺翁遊於地下矣茫然孤兒豈能持門戶哉沈夫人曰此兒雖蚤慧老師奇之若宦學千里吾兩人何以為生邪吾聞忠孝不兩立厚於其君而薄於其親豈老師之意哉於是謝老師而歸居士於其家居士出則治生業入則奉甘旨暇則誦詩書雖亟醫卜並陰陽地理之書無所不窺也一日慨然歎曰吾既謝老師歸奉其親又無良朋友琢磨徒知句讀何以書為則又取圓覺華嚴般若諸經反覆誦味蓋將探諸佛之意而求死生之說於是禪師寶月穴居貴溪之巖能以慧眼知人善惡得於眉睫之間人有隱惡平生未嘗言者一見禪師莫不吐實居士聞其風而悅之晨狼走三百里至山下攀藤蔓而上拜禪師巖中禪師命之坐飲之以



茶熟視而笑曰佳哉若人冀日昧爽順下風而請願聞至道禪師手書三頌以贈之居士歸而欣然有得色於是沈夫人黃夫人皆棄養久矣居士不復治生業日與高僧逸民焚香燕坐清談終日殆不知世之有窮達榮辱毀譽悅感也晚年尤喜施惠飢者哺之寒者衣之婚嫁不能成禮者與之幣帛死而無以歛其軀者與之棺槨然未嘗言之於人而人亦不知其喜施惠也嘗大父諱漢昇大父諱廷德父諱丁娶吳氏男彥輔彥國彥國應進士舉塔吳澄王煥張欽禮江公衡元豐三年十二月甲申卒享年四十明年九月葬于靈臺鄉甘露原初居士得疾謂澄曰吾疾必不起死生吾自知之但兩兒尚幼汝其助吾妻經紀其家事遂面壁卧不語七日而卒卒時顧視家人無可憐之色豈非得禪師之道耶後二十七年彥輔彥國泣曰先考捐館舍時吾兄弟兩稚子耳故其葬也不克求賢士大夫之文納之壙中遂使先考之德湮滅而無聞執事其為我書其事將刻石以表其墓庶幾來世有攻焉余曰居士之德修於宗族信於鄉黨其子又賢必能大其門戶豈待小子之文然後傳來世哉然非此無以慰孝子之思於是敘述其平生而繫之以辭其辭曰人生一世間兮俯仰其猶百年居耿耿其無聊兮悼乃心之不宜孰知彼蒼之不與謀兮或壽或夭而夫顏苟不從巫咸而卜筮兮著龜告乎曰其道則然伊寧上之木已拱兮矧草宿而露寒望夫君之來窆孝子兮其無永歎

永樂大典卷三百四十五

五

### 陳師道

宋史文苑傳 師道字履常一字無已彭城人少而好學人未之知也留受業熙寧中王氏經學盛行師道心非其說遂絕意進取

鞏典五朝史事得自擇其屬朝廷以白衣難之元祐初蘇軾傳堯俞孫覺薦其文行起為徐州教授又用梁燾薦為太學博士言者謂在官嘗越境出南京見軾改教授潁州又論其進非科第罷歸調彭澤令不赴家素貧或經日不炊妻子慍見弗恤也久之召為秘書省正字卒年四十九友人鄒浩買棺斂之師道高介有節安貧樂道於諸經尤邃詩禮為文精深雅與喜作詩自云學黃庭堅至其高處或謂過之然小不中意輒焚去今存者財十一世徒喜誦其詩文至若與學至行或莫之聞也嘗銘黃樓曾子固謂如秦石初游京師踰年未嘗一至貴人之門傳堯俞欲識之未以問秦觀觀曰是人非持刺字倪顏色何候乎公卿之門者殆難致也堯俞曰非所望也吾將見之懼其不吾見也子能介於陳君乎知其貧慳金欲為餽比至聽其論議益敬畏不敢出章惇在樞府將薦于朝亦屬觀廷致師

道答曰辱書論以章公見屈年德以禮見招不佞何以得此豈侯嘗欺之邪公卿不下士尚矣乃特見於今而親於其身幸孰大焉愚雖不足以齒士猶當從侯之後順下風以成公之名然先王之制士不傳贊為臣則不見於王公所以成禮而其敬必至自鬻故先王謹其始以為之防而為士者世守焉師道於公前有貴賤之嫌後無平生之舊公雖可見禮可去乎且公之見招蓋以能守區區之禮也若昧冒法義聞命走門則失其所以見招公又何取焉雖然有一於此幸公之它日成功謝事幅巾東歸師道當御款跋乘下澤候公於東門外尚未晚也及博為相又致意焉終不仕官類時蘇軾知州事待之絕席欲參諸門弟子問而師道賦詩有慙未一辨香敬為曾南豐之語其自守如是與趙挺之友婿素惡其人適預郊祀行禮寒其衣無綿妻就傲於挺之家問所從得却去不肯服遂以寒疾死宋名臣言行錄陳無已字履常中興文集序云中興彭城后山居士陳師道無已苦節厲志自其少時蚤以文謁南豐曾舍人曾一見奇之許其必以文著時人未之知也元祐中侍從合薦于朝起為徐州教授除太學博士言者謂當官嘗私至未謁眉山蘇公改教授穎州紹聖初以進非科第而罷退居彭城者累年從教授州入秘書省為正字以卒實建中

靖國元年也未仕貧無以養寄其孥婦氏當權者或召見之顧非其好不往此豈易衣食者哉在穎賦六一堂詩有向來一瓣香敬為曾南豐之句而太守則蘇公也其罷而歸彭城家益窮空至累日不炊妻子慍見而不恤諸經皆有訓傳於詩禮尤邃為文至多少不中意則焚之存者財十一也世徒喜誦其詩文乃若與學至行或莫之間也謝克家撰文集序頃在廣陵秦觀少游為僕言彭城陳師道履常者高士也其文妙絕當世而行義稱焉陳履常居都不踰年未嘗一至貴人之門章子厚欲一見終不可得中丞傅欽之侍郎孫革老薦之軾亦掛名其間會朝廷多知履常者故得一官古藤郡志陳后山師道亦常遊此故山谷曰閉門覓句陳無已對客揮毫秦少游二子不知飽風味西風吹淚古藤州晦菴續錄陳無已趙挺之邢和叔皆國大夫贊陳在館職當侍祠郊丘非重裘不能禦寒氣無已止有其一其內子為於挺之家假以衣之無已詰所從來內以實告無已曰汝豈不知我不著梁家衣耶却之既而遂以凍病而死謝克家作其文集序中有云篋無副裘又云此豈易衣食者蓋指此事又云后山差充郊壇上官其妻以寒故不可無重綿遂於其婦夫趙挺之家借一綿襖歸衣之后山問何從得之妻謂借趙家物后山患趙之為人不敢止衣一綿



往竟以寒得疾而終謝任伯作墓誌所載不明此豈可不自於後世也  
掃編魏昌世言陳無已平生惡人節書以為苟能盡記不忘固善不然徒  
廢日力而已夜與諸生會宿忽思一事必明燭繙閱得之乃已或以為可  
待旦者無已曰不然人情樂因循一放過則不復省矣故其學甚博而精  
尤好經術非如唐之諸子作詩之外他無所知也黃氏日抄陳后山先生  
居都下逾年未嘗一至貴人之門章子厚欲見之終不可得傳欽之薦公  
者也以其貧懷金欲餽之意不敢出口先生之高行若此而世獨稱其詩  
何耶豈世之知公者淺耶抑詩亦賢者之累耶此錄名臣之言行備焉  
近思錄諸儒之講明詳焉彼此參驗環循閱習以其行稽其所言以其言  
進其所行晦菴之望後學學者其庶乎老學菴筆記秦會之跋後山集謂  
曾南豐修英宗實錄辟陳無已為屬孫仲益書數百字詆之以為無此事  
南豐雖嘗預修英宗實錄未久即去且南豐自為史屬焉有辟官之理又  
無已元祐中方自布衣命官故仲益之辯人多是之然以予考其實則二  
公俱失也南豐元豐中還朝被命獨脩五朝史實許辟其屬遂請秀州崇  
德縣令邢恕為之用選人已非故事特從其請而南豐又援經義局辟布  
衣徐禧例乞無已檢討廟堂尤難之會南豐上太祖紀叙論不合上意修

永樂大典卷三百四十五

七

五朝史之意寢緩未幾南豐以憂去遂已會之但誤以五朝史為英宗實  
錄耳至其言辟無已事則實有之不可謂無也又陳無已于豐詩亦可喜  
鼎以道集中有謝陳十二郎詩卷是也建炎中以無已故特命官李鄴守  
會稽來從鄴作攝局鄴降虜豐亦被繫繫而去無已之後遂無臣江左者  
豐亦不知存亡可哀也張侃拙軒初藁跋陳后山再任校官謝啓駢四  
儼六持應用文耳前輩直曰世間一種苛禮過為謹細陳無已任徐州校  
官曰出境送東坡知杭州詩云一代不數人百年能幾見好事者造謗無  
已處之如平時略無詘色而嚴名行乎天下此豈祇得失而為變動耶至  
其再任又曰昨緣知舊出守東南念一代之數人而百年之幾見又曰使  
一有於先願為兩塗之後悔此尤見無已之終不渝其守也噫今豈有是  
事耶舊見人說東坡好收拾士類而士類  
樂為之用集云代人作豈知無已者耶

### 陳亢

京口耆舊傳亢字退叔金壇人少讀書以父疾不任家事乃請  
於師東書歸養殖貨治產家用饒行而勇於為義不吝施予家  
居邑南地多沮澤古遠漬久淤壅水為災率眾築堤袤十許里以便行  
者而浚漬以通洮湖水患遂息熙寧乙卯歲大饑明年疫傾家之儲粥餓



# 永樂大典

卷三一四五

藥病晨夜必躬所活不可勝計不幸死者具衣棺收葬又數千百人嘗目以少時為養廢書謀子弟學尤力一夕大雪往視則二子寢矣亟呼之起曰吾不彊汝以書汝宜出行道上遇行者則歸以告二子奉命出門十里遇販夫負魚而趨二子問雪寒何自苦曰負販吾業也一夕不行則生理贖矣二子感悟歸而自勉晨夜不休竟亦獎勵有方雖衣服飲食之間皆有品節及彥明為監司度陞朝元尚無恙累封朝散郎而彥明之子城亦擢進士第餘孫數上名禮部亦有已命官者福祿之盛世所歆艷蘇公賦書有帖云遺叔今年四十五而有四子兩人已登第守官其叔耕且學其季游上庠藝業精甚有男女孫十四人玄孫之孫古人所不知若陳君者當見所不知何人也鄉公浩以序送其孫塘試禮部亦云金壇有君子人焉今以承議郎致仕其少時不出戶庭而環千有餘里若寒饑急難失所賴以無虞數十年間不知幾人仁義之教飛馳東南是生二子皆文高學博趨操堅正角冠登第盛年即顯又稱其諸孫之賢謂承議之德厚積而發三世矣老子曰天道無親常與善人於承議見之蓋浩作序時元已封承議矣大觀元年卒年六十八元二子曰彥明白度諸孫之著者曰城曰塘曰瑋曰瑛玄孫從古兄弟之子曰序孫曰察

永樂大典卷三十一四五

八

## 陳彥明

京口耆舊傳彥明年十七與鄉貢中熙寧九年進士第主

縣改楚丘縣古芒碭也盜發坐繫者百人一夕乘守者怠脫械持兵欲殺余而肆掠人情恟懼彥明不為動徐部分吏卒格鬪獲其為首者斬以徇餘悉就擒民以按堵郡將拘文初其專殺朝廷釋不問賊黨散處山澤時唱言以撼居民彥明募致其尤桀黠者并囊橐之家破除之一境大治提刑羅適以治水自任至縣欲有所為彥明知無益即抗言曰此白圭之術也適慚而去除都水監主簿遷北外丞以職事入奏哲宗察其才諭以行召用矣大名帥決河入澶州故道以紓魏患澶人大恐公為之增堤浚防水人無患兩州以安出知處州歲饑賑救有方移廣東路轉運判官時同列多以獻羨財進用彥明曰財民力也有羨當還以及民可剝民以為已利乎奏罷徐揚所興錢監民以為便汰做版吏以保任法選用士類外選為清就移本路提點刑獄禁雷公淫祀以正風俗罷度嶺置關以示無外召還篋中無南物了內艱服除授廣西路提點刑獄未行改利路予告東歸大觀四年卒年五十五有詩文雜說合三十卷子城字伯成入太學升內舍中元符三年進士第主海鹽簿知錢塘丞丁艱知真州揚子縣未

上政和四年卒年三十八。塘字仲修。鄒公浩序送之所謂其形不滿五尺其志克宇宙與之語滔滔乎如秋水方至而東決者未第而卒。球之孫從古。

### 陳從古

京口耆舊傳從古字希顏。紹興二十一年中進士。第由富陽尉。用賞改秩為邵州教授。監行在權貨務都茶場。丞相

虞允文問歲終出納幾何。從古曰。國家利源。醜若居半。自合同關子行。遂虧常額。允文授簡都堂。俾述所以。於是關子罷而歲額驟增。因命措置浙西鹽事。擢司農寺簿。罷歸。起知新州。赴闕奏事。上猶記務場之功。獎之曰。卿書生乃能通世務。到郡。春月。擢提點湖南路刑獄。至衡。有囚被誣。吏三赦不宥。從古奏釋之。就除本路轉運判官。專任荒政。論功加直秘閣。京西謀帥上聞。諸道監司好名。指從古曰。是有才無以易之。擢知襄陽府。即奏言朝廷以襄為上游重地。增陴益戍。緩急許調。鄂師善矣。但節制不一。莫知適從。紹興隆興間。嘗命荆鄂兩軍分地。而當權均力敵。各行其說。迄無成功。今若合為一軍。命正副帥。以其正屯武昌。而副屯襄陽。時許往來。更戍庶號令歸一。無敢首鼠。疏入。即以吳挺為荆鄂都統制。而以王世雄副之。明年以言者罷。奉祠自足。擢知衢饒信三州。皆不果行。淳熙九年卒。從古喜作詩。好古物。法書名畫。尤愛陳去非詩。和之終編。又哀古今詠梅。自宋

永樂大典卷三百四十五

九

鮑照以下古律千餘篇。盡如其韻。乾道中。車駕閱武近郊。進詩五十韻。淳熙甲寅。幸秘閣。進詩百韻。上皆嘉獎之。周公必大為作卷誌。

### 陳彥法

京口耆舊傳彥法字彥法。年十九。中元豐三年進士。第為江寧尉。從學於王安石。安石嘉其有志。不倦以告之。秩滿。調

杭州錄事參軍。時蒲宗孟熊本相。繼為守。號剛嚴。帥軍有過。差下莫敢辯。度數與爭。是否。二公更奇其能。薦進之。歲滿。改知江寧府。句容縣。開封府。太康縣。湖州烏青鎮。烏青歲課有羨法。當受賞。歲終上課。縣除去。使僅及額而止。曰。無寧計一身之私。而為方來之害。選為鴻臚寺丞。遷諸王府記室。卒。度性清謹。自奉至約。日茹素。未嘗妄費一錢。惟郵紙。紙之則雖費不計。子璿。擢紹興八年進士。第。未改秩。而卒。姪璘。字季文。登。興十三年進士。第。歷婺州義烏丞。知海鹽縣。通判池州。卒。居官有賢譽。能詩。世其家。與蘇後湖。庠游。允厚。

### 陳軾

臨川志公名軾。字君式。臨川人。奏補入官。不講隨。任縣。齟齬事親。孝。躬耕以養。親沒。為貧。復出仕。元豐中。知黃州。馭吏急。而治

民寬。郡境稱治。昔東坡謫居于黃。人多避禍。公獨願交。期與同憂。患以朝奉大夫致仕。東坡名其園曰中隱。開軒對竹。扁曰恭軒。荆公南豐皆有詩。



宋蘇東坡大全集祭陳君式文故致政大夫君式之靈。猗歟大夫。匪直也。人矯然不隨。以屈莫信。大夫安之。有命在天。十年躬耕。以娛其親。親亡泣血。幾以喪明。免喪復仕。哀哉為貧。從政于黃。急吏縱民。食黃之薇。飲其水泉。我以重罪。竄于江濱。親善擯跡。我亦自憎。君獨顧交。日造我門。我不自愛。恐子垢紛。君笑絕纓。隨哉斯言。憂患之至。期與子均。示我數詩。蕭然絕塵。去黃而歸。即安丘園。澹然無求。抱潔沒身。猗歟大夫。有死有生。如影之隨。如環之循。富貴貧賤。忽如浮雲。孰皆有子。如二子賢。千里一腸。循以斯文。尚饗。

### 陳行先

宋劉忠肅公集陳行先墓銘君諱孝若字行先姓陳氏東平人曾祖咸卿祖肅贈吏部侍郎考希古贈秘書監君資夷謹持重有志識秘書公仕有清節為尚書郎以疾分務南都居里舍教諸子以學君嘗讀書自刻勵矣已而憊然曰親疾而養不足吾於子職將擇其力易而功近者地獨以治產自任振勤營躬織畝始於至微粟儲而縷積之闕田桑以殖本又有所戀居以化有無蓋其性仁故知所取于智故知所變通信故能交約故能持久居之遂以富稱鄉里自秘書公捐館久其叔若允仕不達兩兄以疾卧家食口滋怨緩急皆賴君以濟鞠養叔

水樂大典卷三百四十五

十

兄孤女以禮嫁仕族舉大食六七葬之人有所謂隨事周給至於自奉養簡儉不易備素晚年薄滋味嗜好益落向有所營阻者皆寢不復為故嘗觀君之於財其所以生所以用與所以守者其道蓋出于此則與夫詐力貪刻賤義故欲古厭以為富者甚異矣善讀佛書談性命疾革不亂自制棺圖像遺其子而卒元豐三年四月十日也年六十娶楊氏尚書比部員外郎歸一之孫子三人長男女皆亡幼曰慥孫曰翹說其年七月十一日葬于鄆州須城縣南留村先塋之西某皇妣陳夫人實秘書公長子方先君官湖南秘書公為遣君從行適年先君夫人繼棄其孤其孤既幼喪事皆君治之及某依外氏為學至長立得官所以成之者君之德居多於是前葬慥以來請銘為之銘曰積維仁用維義饗維吾之力又自居其薄田母浮吾德嗚呼尚哉昭之幽刻

### 陳玠

清漳志玠字待賢龍溪人登元豐第調建之法掾知南劍州沙縣監永州市舶門遷承議郎陳氏為龍溪四姓之後代為豪家公鍾愛二弟實十餘萬畝推與之其後弟環姪敦德孫師孟皆登第敦厚宋說皆特科統任新州教授知賴之龍南皆其族也初陳氏有功德院曰



西峯立約于石。子孫有請舉入學者。院以百緡相其行費。其後主僧守謙背約毀碑。守危。其孫平其訟。仍為書于碑陰。其畧曰。始謀既滅。子孫必賢。乙酉鄉書。有子居前。云胡守謙欲盜家產。于其正之。曰例存焉。去珠復來。璧歸得全。為陳後者。可不勉旃。臘月臨川危。楨書。

### 陳純夫

郴州團經陳純夫。字德全。家世醫。不淫富貴。以父澤養補太廟齋郎。而力學為文。治易應舉。元豐元年。取監舉第。

一。四年。領漕薦。明年。以本經魁南省。黃裳榜登第。新歷州縣。綽有休聲。舉充改秩。及學官。陞。惟不次者六十九員。其見知於世可知。任東閣。燭煌大作。隣邑捕而殺之。為害愈盛。公以文禱神。不撲自散。守郢。歲大旱。禱而即應。州人德之。形于歌詠。先是。父遺持進守郢。純夫雖之。郢人家父子之善政。不啻召杜。每遇恩奏。蔭未及諸孫。而先命諸姪。母黨之女孫。自出俸資嫁之。七。過郊禮。兩承章恩。官子姪者凡九人。歷任四十二年。確守名節。安於義命。當宣政間。故舊在朝。炙手可熱。純夫自南康乞祠居鄉。十年。日與宗族往來。植花木。作亭榭。以文自樂。官至太中大夫。封文安縣開國男。特贈通奉大夫。世號湖南夫子。壽八十有六。所居在永興之莆田。柳稱衣冠之族云。

永樂大典卷三千四百五

士

### 陳弁

元一統志。弁。元豐進士。紹聖四年。舉出西方。詔求直言。時弁為江外縣令。上書論朝廷缺。失。請監達州茶場。後召選。指斥蔡章

之黨。再貶監。當條黨籍。

### 陳敏

無錫志。敏。字伯脩。無錫人。警。其喪。父。盧。墓。哀。毀。有。芝。生。冢。上。長。從。安。定。先。生。胡。瑗。學。與。同。郡。表。黜。澆。浩。姑。蘇。孫。載。皆。為。英。

持。時。目。為。安。定。四。俊。友。熙。寧。三。年。舉。進。士。王。荆。公。嘉。其。才。薦。敏。堪。大。用。除。太。學。正。從。蘇。軾。遊。甚。厚。大。觀。中。以。八。行。搜。天。下。士。敏。撰。李。燮。丞。相。綱。之。父。也。時。奉。祠。居。梁。溪。以。敏。行。能。薦。于。上。守。令。親。為。勸。駕。敏。歎。曰。昔。歸。令。往。何。出。處。之。戾。也。弗。就。年。八。十。一。終。德。行。之。美。時。所。欽。慕。毗。陵。志。陳。敏。喬。六。世。孫。也。登。崇。寧。三。年。第。少。孤。力。學。安。定。先。生。一。見。奇。之。曰。此。錫。山。之。英。也。年。十。一。廬。親。墓。有。芝。產。于。塚。覆。葉。並。蒂。色。紫。而。澤。人。謂。陳。氏。之。祥。徽。宗。朝。諸。蔡。用。事。斥。司。馬。公。諸。賢。為。姦。黨。今。州。郡。皆。立。石。守。俸。刻。銘。焉。敏。適。守。天。台。監。司。促。之。急。答。曰。誣。司。馬。公。為。姦。臣。是。誣。天。也。俸。自。立。石。敏。碎。之。囚。其。石。上。官。史。棟。慄。言。於。敏。懼。初。敏。曰。我。死。且。不。辭。何。初。之。畏。竟。掛。冠。不。仕。號。濯。纓。居。士。東。坡。閩。而。壯。之。遺。書。云。風。義。凋。喪。植。立。於。顛。波。狂。瀾。中。惟。吾。伯。脩。

# 永樂大典

卷三一四五

與景純而已。  
此乃學士也。

## 陳和叔

與地紀勝熙豐中。自翰苑謫守建昌。日次孺有獻內翰詩云。留滯周南事可嗟。東風三度見梅花。岩廊未引經綸手。山國頻聽早晚衙。酒為憂民傾日月。詩從思退寫煙霞。賓客更有林中士。誰及船齋太守家。

## 陳由

涿州志由字子遠。常林鄉陳官村居。元豐五年黃裳榜。

## 陳樞

宋曾鞏元豐類蒙尚書都官員外郎陳君墓銘。尚書都官員外郎權知泉州事陳君諱樞。卒于位。其孤數以君之喪歸葬於湖州長興縣尚其鄉雒山原前葬。其弟杞以書走亳州乞銘於南豐曾鞏。蓋元豐元年鞏為福州充福建路兵馬鈐轄。奏疏曰。臣所領內知泉州事尚書屯田員外郎陳樞。質性純焉。治民為循吏。積十有五年。不上其課。故為郎久不遷。方朝廷抑浮競尚廉素之時。宜蒙特詔有司。奏樞課優進其官。以獎恬退。於是天子特遣君尚書都官員外郎。誥曰。吾寵樞也。所以戒奔競。明年六月甲子。君以疾卒。享年若干。又明年八月甲寅。地葬。君事親

永樂大典卷三千四百四十五

十三

以孝聞為人恂恂蹈規矩有善不自一。其自于伐於勢與利。無秋毫顧計心於義所在侃然自任。人莫能及也。為史去觚角。缺雕琢。一以平易敦樸為務。於刑寧失有罪。惟恐傷人。於賦役度所不可蠲除者。然後調發與民為期會。未嘗取疾爭先。某為民去害興利。若疾痛嗜慾在已。所至必興學校以教化為先。初尉鄆陽。令得盜五人。屬尉使為功。君辭不受。及令宜黃。宜黃在窮絕山谷之間。舊令無顯者。至君為之。名常出眾上。令旌德亦然。旌德之民歲輸米於太平州蕪湖縣倉。路回遠費甚。君請輸錢以便民。蕪縣民輸友於鄧陽倉以供漕。輸立於會亭倉。以給驛行者。君復請輸錢以糴供漕。以直給驛行者。各得其所。使罷縣。民絕橋閉門留君。以問乃得去。泉州歲凶。君築室止窮民。饑者給食。病者給醫。人忘其窮。使者蒐兵於閩。以益戍。廣西君建言。兵當蒐者。父母老。或疾至無他子。皆可聽免。詔定著於令。余嘗聞繁昌有大姓殺人。州縣不能正其罪。君時令旌德。或徒其獄屬君。君驗治。僮客盡得其隱。伏殺人者論死。人以為盡其情。又聞君之令旌德也。州有所賦。調他縣皆奉行。至旌德。令獨計曰。非吾土之所有也。非吾人之所堪也。不敢以賦。民事或至十反。守志出語。詎君君益。華州聽。然後止。最後聞泉州。早君圖所以賑民者。欲預為具。或譏君近名。君不



為勳此君之事余得之於耳目者也昔司馬遷記前世循吏上下數千載所叙者五人詳者八數事畧者一二事而已今余所論次君事與遷所記五人相似否必有能識之者君之事多矣然猶為所試者小也今所試者大則其事可勝傳邪君字慎之湖州長興今曾祖彥慶祖文倚考迪贈尚書屯田員外郎君進士及弟初尉饒之鄱陽用薦者令撫之宜黃避親嫌令宣之旌德用薦者遷祕書省著作佐郎知毫之譙縣英宗即位恩遷祕書丞徙僉書資州判官廳公事遷太常博士今上即位恩遷尚書屯田員外郎用薦者知越州司錄未至丁父憂服除授三司鹽鐵判官未至丁母憂服除驛召對宗政殿以為提點淮西刑獄公事願得治一州徙權發遣明州事未至又徙泉州留再任以疾請致仕未報母某氏某縣太君娶趙氏某縣君又娶劉氏吏部員外郎述之女某縣君又娶石氏某縣君子歿也君既行治高世皆以謂宜不次用而任事者意嚮君為尤甚然卒不得至中壽而用止於此其非命也夫余與君好為最久故不辭而銘君墓辭曰人執宜之以夷易也物執誠之以樸質也所處而安絀外累也所守而固為自強也古有循吏其尚似也詩以名之其常存也

永樂大典卷三百四十五

十三

### 陳伯温

清漳志伯温王補龍溪人元豐間以詞賦稱伯温賦仁者靜為監元補子肩甫不就特科或謂伯温王補賦中之虎

補之孫羽儀遇皆登科

### 陳幾道

宋楊傑無為集故温州錄事參軍陳君墓誌銘 元豐四年六月甲子前温州錄事參軍陳君卒于丹陽郡明年其

子鄉貢進士誠自淮南來京師以永嘉太守石大夫牧之所撰君行狀求銘於予固辭不獲乃叙而銘焉君諱某字幾道其先開封東明人曾祖某黃州軍事推官祖某廣州南海令父隱德不仕君幼學強記日誦千言年十八以專經預鄉選後改應進士舉不第時侍講曾公侍讀楊公以君故人子謹畏習楷法因辟掌編錄經筵義及終經奏補九品官初任南巢主簿邑事賴焉再調道州司理會農賊叛廣南它境或失守人心不安乃建白郡守請集丁壯完城壁濬陂教以旗鼓號令張大軍聲以伐賊謀守從之後賊黨至桂陽境上畏而不敢前民乃安堵太守貽詩以稱之及官滿民惜其行去郡數程遇溪水湍急舟難其進忽數十人操篙引絙以為助君怪而問之曰我道民也邦人荷司理之德久矣難以為報爾其愛之



如此再調汀州司理參軍寧化軍有盜六人持奮刀夜刈人禾田主逐之  
五人逸去其一獨留且殺主人邑官全獲以為六人皆強盜也獄其將就  
誅君曰持刀竊禾志不在殺也畏主人而去者與獨留而殺主人者異矣  
安可無首從以用刑邪初雖議論異同卒如君議過今上即位赦五人者  
皆原獨為首者移鄉部使者洵守臣叙其事以為薦于朝除姑蘇錄事參軍  
蘇民有負公府錢日牘出刺殺吏者度其不可免乃行賂以族弟代之君  
聽獄能正其罪歲大凶君奉郡命賑救有方全活者眾君歷宦三十年終  
始如一有知己二十三人其生平所為可見三任自温州罷官將就升遷  
而不幸不得遂所願享年七十有子五人曰誠誠謀謹皆力學從義方之  
訓中子曰誦出家于錢塘之淨慈為比丘女四皆有所適孫男五人孫女  
三人尚幼以某年月日葬于無為廬江之原銘曰治獄陰德可貽後  
昆斯言不欺當高其門劉忠肅公集陳幾道國博墓銘公諱修古字幾道  
姓陳氏自太丘徙東平曾祖某祖威卿考肅贈吏部侍郎公少嘗舉進士  
以兄任為郊社齋郎調瀛州樂壽縣主簿改潤州司理參軍丁母喪服除  
舉監大名府酒遷定武軍節度推官治平中用薦者改大理寺丞知虔州  
安遠縣事親嫌自陳徙監海州稅今上登極恩遷太子中舍賜五品服監

開封考城縣酒轉殿中丞知博州聊城縣事未滿罷又知劍州尤溪縣事  
不行轉國子博士雜在京常平米坐法免歸居七年以元豐四年六月十  
二日卒享年七十一公性孝謹少孤事母夫人無違及執喪鄉人稱之精  
敏善治事在樂壽民大飢州委公賑之活者十九在大名課溢錢三十  
萬在定武鞠正疑獄之久不決者自聊城罷縣人遮道久不得去前後當  
路爭薦之晚節夫官退處里舍和易寬靜以酒自娛親戚故舊相對怡然  
無不足色雖老精力強壯過絕人臨終授治命其子如無疾者嗚呼公尚  
何所憚哉初娶梁氏封仙居縣君生子二人男丙服儒女嫁國子博士聶  
伯堅而亡再娶何氏封福昌縣君遂以其年七月十一日葬公鄆州須城  
縣南留村先塋之西某皇妣仙源夫人實公兄祕書監諱希古之子以是  
知公之詳無若某者丙前葬又以狀來謹序次而為之銘曰物有得喪人  
用笑喜彼自來去胡轉而隨公以是故失也安之既康既壽世考斯語

**陳輔**

京口者舊傳輔字輔之丹陽人其先自九江來居少負俊材不  
屑事科舉文詞雄偉不蹈故常尤攻於詩自號南郭子人因稱  
南郭先生嘗題所居云湖水山雲遠縣村茂林脩行野人家宿醒過午無  
人問昨聽東風掃落花或誦之於王安石安石曰詩甚佳但落花無戲宜

改聽為情字。由是出入安石之門。安石厚遇之。一日題安石所居壁間云。北山松粉又飄花。台下風清麥脚斜。身似舊時王榭燕。一年一度到君家。安石和之云。南郭先生比鷓鴣。年年過我未愆期。休論王榭當時事。大抵為衣只舊時。一日安石畏馬為之設齋。輔之作詩戲之。末章有舍識應為獅子去。却來重載法王身之句。安石和之末章云。隱几先生未忘物。葛陂猶問化龍身。其他唱酬甚多。見南郭集中。蓋有臨川集所不載者。一時名勝蘇公軾。鄒公浩。蔡公肇。沈公括。皆與之游。方其年少。有志當世。嘗著梁父牛角二吟。題於沈山寺壁。其梁父吟云。梁父吟。泰山之頂可埋金。噫嘻蜀道徒崎嶇。南風來舜琴。梁父吟。佳人未偶頻傷心。四時有恨秋偏深。綠空滿簪。比其老也。復為詩號悲昔遊。以致命遂志云。其詩文自治平至元祐。二十卷為前集。自元祐抵政和。二十卷為後集。輔不娶無子。嘗語蘇軾曰。我罪人也。軾曰。有猶子乎。曰。有。軾曰。曾山道州乃前比也。輔笑曰。陶彭澤不解事。意釀作詩曰。賴古多此賢。不知古賢能飽人否。軾大笑。嘉定鎮江志。陳輔字輔之。丹陽人。不事科舉。工於詩。自號南郭子。人以南郭先生稱之。不娶無子。有南郭先生前後集。詳見者舊傳。蘇軾嘗薦輔於章衡。子平帖云。京口陳輔之秀才。學行甚高。詩文皆過人。王介甫最推素。介甫

永樂大典卷三千四百四十五

十五

用事他絕不自通。及退居金陵。日與之唱和。孤介寡合。不仕不娶。近古獨行。然貧甚。薪水不給。竊恐貴郡未有學官。請此人如何。哀其孤高窮苦。故謾為之一言。宣城志。南徐陳輔之。少能詩。豪邁不群。王荆公蘇東坡雅知之。送予赴宣幕詩云。當年秋棘蘊飛凰。遺愛猶存蔽芾棠。秋水紅蕖新幕府。春風綠草舊池塘。芝生瑤圃三重秀。玉出藍田一尺長。去去宣城勿留滯。謝家勲業待諸郎。誠佳句也。曾公為宣城掾。又攝幕府。與宣城宰。逾年故云耳。中公夜而游記。舊江州志。陳輔字輔之。九江人。後居丹陽。有隱德。工詩。著南郭集。與王安石蘇軾遊。軾嘗比之元魯山。安石有和。其金陵書事詩。

### 陳賓

元一統志。賓字子朝。臨邛人。元豐第進士。上書言事。號白衣御史。抗論蔡京姦惡。不報。又伏闕上疏。京欲置之死地。郭浩諭之。

使行。朝坐是。

### 陳希伋

潮州圖經。希伋字思仲。元豐間兩冠鄉書。首為漕臺肄業。太學十餘年。嚴譽日著。士人目為廣南天子。上書陳利害。

數萬言。皆切中時病。後薦太學生馬錫。有文武才。乞加擢用。元祐間。以經明行修。應聘。時賜第三百四十六人。以希伋為第一。知梅州。時朝廷下諸



永樂大典

卷三一四五

州取黃砂牛皮。及出內庫錢買真珠。以備國信。列郡皆供應。獨念稼穡根本。不忍教取於民。乃上封事。奏罷免。至今梅人思之。著文四百餘篇。號揚陽集。元一統志。朝州經行坊人。希伋。經行明修。舉為第一。希伋未第時。為太學生。馬錫有文武才。乞擢用。上曰。布衣而能薦人於天子。自古未有。錫後立功。人以希伋為知人。

陳思齊

宋慕容彥達。攝文堂集。宋故陳君墓誌銘。君諱思齊。字景賢。鏡之郵陽人。曾祖某。祖某。皆不仕。父某。三班奉職。君幼聰警。誦書一再過不忘。三班君異之。既長。以家難廢學。慨然投筆歎曰。藝文致身。豈不願。悔迹方劑。亦仁術也。乃以醫技翔翔江湖間。悅常之宜興山水清麗。遂家焉。君診治按古。雖疾沉痾。他醫弗能治。至君指日決愈。遇求療者。心惴惴焉。如己苦之。有貧不自給。優賑以薪菽。賴是金活者甚眾。宜興士族。咸君從為仲游。罔不懽。性喜酒。選勝引滿。笑談自得。見者欲傾家釀也。自以學不遂。乃教諸子。夜坐燭下。身率之不三鼓不寢。聞四方賢君子。俾從之學。故阜成。少有士譽。未壯中第。邑人喜教子者。以君為能。元祐八年八月卒。國終享年六十有二。以紹聖元年十月二月某日。

葬於邑西某之原。娶高氏。生四子。曰存。曰阜。成。授廬州舒城縣尉。曰敏。成。曰彥。成。皆應進士舉。一女適唐。孫男三人。李長。李升。李友。孫女四人。阜成。予友也。泣以銘請。義不可辭。銘曰。善必有慶。就云壽之。命邪非邪。我儀圖之。弗歲于躬。必昌厥嗣。丹桂一枝。本根有自。惟影惟響。報施如之。誰疑弗信。監此銘詩。

永樂大典卷三三四五

十六

陳子淵

宋張舜民畫墁集。朝奉大夫致仕陳公墓表。有以近世名卿數者。必曰河陽陳公賈。公在仁宗朝為三司副使。累

贈某官。其在職也。不傷財。不害民。故其家子孫至今多賢。方歷顯仕者。如大夫公三司之幼子也。公諱某。字子淵。先世遷徙。見于誌銘。曾祖某官。祖某贈某官。父某贈某官。公少則孤。三司喪之。未及補任。而三司云亡。自勵克為學。晝夜不舍。以某年登進士第。是時陳氏昆仲登第者凡三人。非持鄉里之榮。天下之人信賢人之必有後也。始任河南府河南縣主簿。寄歲軍嶺谷縣令。改著作佐郎。知渭州潘原縣事。監解縣鹽池。遷秘書丞。太常博士。屯田員外郎。官制改。朝奉郎。同提舉汜水軍運。兼知縣事。遭朝散郎。今上登極。覃恩。進朝奉大夫。管勾定州安撫司機宜文字。未行。請致仕。感



疾以元祐丁卯七月戊午終於家享年六十有二以年月日葬于某鄉里  
 初為河南縣主簿過仁宗山陵朝廷以外待制李參知河南府專治大葬  
 事是時仁宗享國永年天下久不闕有山陵事大葬制度自朝廷大臣宿  
 儒不能知河南老吏未嘗承行專討故蹟脫爛水火茫然不知所適所以  
 參一以嚴莅之訶呼責辦吏民趣事或以狡倖自免方是時公攝領縣事  
 有問趣應一以取濟如素備然參忌而知之嵐谷地隣北界烽火相望一  
 日虜來數萬至境上堡聚守巡帥日檄通判者安尊之且現賊勢軍中官  
 被差外出者無敢行公曰民事在縣令不可委之人即乘馬出郭置行敵  
 間夜止村落數日而後返虜亦解去家人偕友危而瘡之公曰軍不自揆  
 也朝廷不失恩禮糧場無有侵欲彼旦以大兵來與一縣令為敵乎既解  
 去虜者還乃酋長獵騎圍在潘原時獲殺人者亡其杖獄久不判公默計  
 使人搖其處得大挺即日承伏熙寧四年慶州屯兵夜清出城隣郡壁守  
 人情訕恐道路不敢行縣民罕家走避兵公視事如常日出郭觀賞游衍  
 陳樂而歸人情遂安或者問公曰此非叛兵持清兵爾是皆邠寧人之後  
 不歸意則起家寧肯之也所昌言恐動皆所在不逞小民欲乘動移竊  
 物爾是時並邊飢歎死之太平州縣執泥新法莫肯販濟獨潘原不待報

永樂大典卷三百四十五

七

而發食全數千人病者親視粥藥儀州廢華亭縣改格之始居人未矣府  
 命公權華亭逾月潘原民案公歸華亭民願留兩縣之衆爭於帥前即命  
 以歸察訪官過縣民遞訴留公再任質之諸司保任如一語遂以狀上聞  
 得再任公在潘原六年民猶訴留不已既去即佛寺圍其像以時禮詞至  
 今不少衰鹽池久例募民供役分隸諸官影象工役故凡鹽官寡清白之  
 譽公至一切罷去久之僚吏皆以為便權鹽使李稷於常課外浚求其利  
 操急苛細人不敢少訴公謂於法不便稷怒使人伺公久之竟無所得在  
 汜水是時清汴已興朝廷憂河流少南則割新堤都水使者上言欲計塞  
 河使北流入新開口以紓清汴堤防公抗議以為不可從既興水不改道  
 資費以萬計朝廷罷使貶水官而免公交罪遂不赴定武之辟相求謝事  
 固歎曰任官憂辱何時已哉吾不欲後為也予接公於熙寧初年自爾數  
 數見之公抗直人也與人無多言而志愛久而彌厚心所不欲者雖以千  
 乘鉅之不為也家儲豐厚親戚貧乏者毋小吝不暴弃人罕能及之娶李  
 氏封永縣君先公卒再娶陸氏封同安縣君男三人益之用公致仕補太  
 廟齋郎廷之損之皆未仕女三人一適承奉郎韓宗坦二在室至元祐四  
 年其兄安壽方守解梁以書抵予曰予辱與吾弟游知其行事能為之次

序以表之于墓吾死不恨矣然  
于安得而辭之因為之表云

### 陳昱

宋蘇東坡大全集陳昱被冥吏誣追今年三月有書吏陳昱者  
暴死三日而蘇云初見壁有孔有人自孔擲一物至地化為人

乃其亡姊也携其手自孔中出曰冥吏追汝使我先見更在旁昏黑如夜  
極望有明處空有橋榜曰會明人皆用泥錢橋極高有行橋上者姊曰此  
生天也昱行橋下者或為鳥鵲所卓姊曰此網捕者也又見一橋曰陽明  
人皆用紙錢有吏坐曹十餘人以狀及紙錢至者吏輒刺除之如抽貫然  
已而見冥官則陳襄述古也問吏何故殺乳母昱曰無之呼乳母至血被  
面抱嬰兒熟視昱曰非此人也乃門下吏陳周官遂放昱還曰路遠當給  
竹馬又使諸曹檢已籍曹示之年六十九官左班殿直曰以平生不燒香  
故不甚壽又曰吾輩更此一報即不同矣意謂當超也昱還道見追陳周  
往既蘇  
周果死

### 陳侗

宋劉敞彭城集故朝奉大夫權知陝州軍府事陳君墓誌銘  
君諱侗字成伯姓陳氏其先興化軍莆田縣人曾祖某贈兵部

郎中祖某官至工部郎中父某贈銀青光祿大夫君生十三歲而孤從其  
母方夫人鞠於外家居蘇州危心苦志能自力學問方夫人終養育弟妹  
辛苦家事三十餘始以進士舉登第調河南府福昌縣主簿始至謁府為  
人頗長偉厚眉目廣秀衣冠整嚴府吏驚相告曰亦有主簿若是其大也  
留守文太師潞公一見與語知其奇厚待之自爾遂往來門下及丞相富  
公亦愛重其文藻稱焉三年以令舉為商洛縣令代選用薦者言還著作  
佐郎知宣州南陵縣事潞公薦君宜在館閣召試學士院而富公守汝州  
求用君為從事自輔必欲致君請官滿而後試朝廷許之會富公歸執政  
柄君即召還既試除館閣校勘判登聞鼓院編修宗正司條貫同知太常  
禮院編修樞密院經武要畧兼刪定諸房例策初置二府屬官用人甚重  
潞公時為樞密使薦君充選改太子中允檢詳禮房戶房文字頃之御史  
有言事不見從者其在樞府疑君梗之作為非語中君君不自辯上亦薄  
其過後徙判鼓院御史後亦知非君意憶而謝君改集賢校理遷太常丞  
知禮院更博士賜緋衣銀魚出知湖州入辭上問其所欲言君論今祀五  
嶽四瀆附於地祇方丘不與周禮同宜異為壇位具禮儀樂章上以為然  
始詔禮官討定如君言君至湖數月徙宣州君於為政愛民為先可以濟



活人者為其方畧雖觀法行之不疑。湖人因歲饑以男女質錢。至有終約身為役者。公為契券。後雖十倍其直自贖。不肯付還。父子隔絕。悵悵。不為察。有來訴者。君皆許贖之。男女得齒。平民婚娶者甚眾。江南轉運司欲以聚財。婚上。然不能。有它智畧。徒奉藉。通欠。疏期。督索。州縣知指。民不堪其求。君為分別之。曰。通負在元豐三年前者。赦書所當除也。使者不許。付它吏議之。以謂宜如編勅。償及七分。餘乃可免。君請於朝。竟得蠲除。以反一路云。有二女子。父母死。其兄不能自立。家本富厚。未及。春月。皆用蕩盡。死者不葬。而存者飢餓。泣訴於府。君使按覆其所。貨黨皆在賤價。而構贖甚多。錄而賣之。既償其所取。猶贏數十萬錢。為之葬埋。而嫁二女子。吏民感歎。為君立生祠。遷朝奉郎。還朝。拜少府少監。官制有館職者。普遷一官。以易之。用是改朝散郎。更衛尉少卿。上即位。汎恩。遷朝請郎。遣使來。君往迎送之。明年。遂使北。唐勸。遷朝奉大夫。是歲。元祐元年也。四月。君弟子雍。終於。知潭州。君求為郡。以撫存其家。得。知陝府。數月。如直。秘閣。知梓州。君復申前請。乃復留陝。吏民間君不去。莫不忻懼。相慶者。夏。縣令劉。寔。米健。善治縣。民有與庭不相。甲者。此民狡。猶喜訟。持吏短長。凌駕州縣。會。寔。徙官。即上書告寔不法事。寔聞之。求得辯。直。章下府。吏畏。民巧詐。番覆。多。

欲違徙。回。避。其。情。君。為。明。辯。盡。理。寔。卒。無。一。事。民。坐。上。書。不。實。受。刑。不。辭。寡。婦。訴。其。子。為。贅。婿。於。蜀。三。年。不。歸。其。妻。家。豪。富。而。婦。寒。飢。寄。食。君。為。移。書。呼。其。子。十。反。不。至。君。以。義。諭。其。郡。守。守。寤。乃。械。而。送。之。君。將。正。其。罪。婦。復。泣。告。曰。幸。全。度。子。得。以。終。老。君。憐。而。舍。之。子。亦。知。悔。過。更。為。孝。養。云。童。關。關。出。入。商。林。吏。緣。為。姦。商。人。以。神。事。藏。乳。香。一。兩。者。吏。論。以。為。犯。禁。沒。其。資。財。且。百。萬。賤。價。斥。賣。之。賈。以。自。入。君。知。其。然。窮。治。其。獄。黨。與。皆。流。竄。行。道。莫。不。欣。悅。君。在。陝。且。二。年。朝。廷。既。除。代。會。君。疾。三。年。四。月。某。甲。子。終。享。年。六。十。五。君。初。娶。呼。延。氏。賢。淑。有。操。與。君。同。隱。約。孝。事。方。夫。人。育。叔。妹。者。也。君。在。商。維。呼。延。卒。後。以。君。貴。封。福。昌。縣。君。今。夫。人。劉。氏。封。崇。德。縣。君。君。四。子。長。彥。方。國。朝。邑。縣。主。簿。次。彥。恭。是。年。進。士。及。第。授。鄭。州。司。戶。參。軍。次。彥。稱。彥。廉。皆。請。書。為。文。有。成。立。女。四。人。長。嫁。某。官。林。定。次。進。士。呼。延。發。次。某。官。梁。寬。少。為。吾。兒。懷。州。司。戶。參。軍。方。山。婦。君。為。愛。宗。族。而。厚。於。交。游。貧。窮。不。能。自。存。者。尤。加。隱。卹。俸。錢。分。割。十。去。八。九。姑。女。適。人。而。夫。死。取。而。養。視。之。更。配。良。氏。於。人。之。婚。喪。不。能。奉。者。畧。皆。為。辦。之。文集十五卷。藏於家。夫人之長將葬卜地。或吉曰南峯之下。有吉穴焉。為浮屠主之。自誓不願其與人也。有以二百萬求一塋者不得也。君與子雍往詢之前夕。浮屠者。



永樂大典

卷三二四五

夢有貴客二求地以葬。浮屠異之。旦明設榻以待。而二人至。浮屠視其狀。兒。環偉人也。先問曰。將無求葬地乎。應曰。然。浮屠以地與君。不費一錢。既葬。浮屠告眾曰。吾違誓言。不可復處矣。拂衣而去。嗚乎。其亦異矣。地實某縣某鄉某里。君葬去之。凡若干里。呼延氏附。某年某月某甲子。某事。銘曰。再世以文。而官不達。嗚呼。薄瀟瀟。謂將大發。至君兄弟。亦止於斯。華米足以耀世。利澤為民之思。是謂不朽。矣以多為。闕泉作宮。鏡石謨詞。銘乎銘乎。信為弗欺。氏族類彙。陳侗賢良。絳之孫。章衡榜登第。富弼守汝州。辟為從事。秦乞令。考滿召試。會弼歸執政。即召除館閣校勘。後侗出知陝州。東坡以詩送之曰。誰能如鐵牛。橫身負黃河。滔天不能沒。尺筭未易訶。此外但一肅。後主工揣摩。見東坡大全。集繼知湖州。甯陽志陝府。陳成伯有子登第。以此為賀。勝眼科名後。寂寥三十春。義方能教子。及第家榮親。手足凋零甚。家門喜慶新。此時堪一醉。咫尺太陽津。出浮休先生畫墁集。按陳絳之子。動之。說之。動之。天聖八年。王堯臣榜。第一甲第八人。說之。同年。甲第六人。動之。之子為陳侗。陳陸。陳德。侗嘉祐二年。章衡榜。甲弟。陸嘉祐六年。王俊民榜。第二人。此詩云。勝眼科名後。豈其事乎。

永樂大典卷三二四五

二十

陳軒

宋史列傳 軒字元興。建州建陽人。進士第二。授平江軍節度推官。元祐中為禮部郎中。徐王翊善再遷中書舍人。上疏言祖

宗舊制。諸道帥守使者。辭見之日。並召對便殿。非特可以周知利害。亦可觀閱人材。今視朝數刻而退。惟執政大臣侍在帝所。或經旬閱月。臺諫官乃得覲。餘皆無因而前。殆非所謂廣覽兼聽之道。願詔有司。使如故事。又言所在巡檢。招惰游。悉少以隸土軍。習暴橫為田野患。請使以廂卒代。皆從之。高麗入貢。軒館客。其使求市。歷代策府元龜。抄鄭衛曲譜。皆為上聞。禮部尚書蘇軾劾其失體。以龍圖閣待制知廬州。徙杭州。江寧。穎昌府。徽宗立。為兵部侍郎。兼侍讀。論監司守臣數易之弊。如江淮發運使十五年間。至更三十二人。願稍久其任。又言比更定役法。欲以寬民力。而有司生事急切。苟營贏羨。散青苗以抑兼并。拯艱困不當以散多予賞。入侍經闈。每勸帝以治責清淨。願法文景之恭儉。帝頗聽行之。加龍圖閣直學士。知成都府。不行。改杭州。福州。辛酉八十四。建安志軒。嘉祐中廷試。本冠多士。有司以其賦用韻失次。欲黜之。有旨降第二。先是進士賜袍笏。例於廷下。脫白服。綠軒衣如懸鵠。上惻然。解黃衣賜之。至今賜袍笏。有淡黃衫。自軒始。初調平江軍節度推官。後知汀州。元祐初。除祠部郎中。豫章黃廷堅贈

之詩有曰。平生所聞陳汀州。蝗不入境。羊屢豐。其稱賞如此。自右史權中書舍人。管伴高麗使。坐為通表。乞賜書籍。出守廬州。除龍圖閣待制。移杭。江寧。陳顥。昌四郡。徽宗即位。召為兵部侍郎。上言。守臣監司。當久其任。又言。散青苗以濟艱乏。其休散官。不當立賞格。上皆納之。未幾。以龍圖閣直學士。帥成都。徙長安。乞鄉郡。知福州。尋卒。初。軒未第之初。夜夢至一官府。若寺觀。然前有兩高門。門各有金書額。一曰左丞陳軒。一曰右丞黃履。其後履官至右丞。軒但龍圖閣直學士。暮年謂諸子曰。吾白屋起家。平生不作欺心事。今位不副夢。嘗思其由。昔年守杭州。有違官怒一老兵。執送府。欲杖之。此兵年餘七十。法不應杖。遂聽賄。俄達官折簡相責。不獲已。援呼人。亟命行決。即死於杖下。至今二十年。吾未嘗不以自咎也。違法徇情。殺人招譴。宜不登顯位。汝等戒之。方軒夢時。左右丞乃寄祿官。後始以為執政。豈法令變更。幽冥中亦已預知耶。時建陽士大夫年踰八表者九人。曰。傅朝請者。籍字範民。八十七歲。曰。王朝請者。名恕。字伯達。八十六歲。曰。王承奉者。名侁。字顯公。八十五歲。曰。姜承議者。名奎。字光明。曰。劉承奉者。名顏。字幾叔。曰。陳承議者。名大。字剛中。各八十三歲。曰。李奉議者。名飾。字元質。八十二歲。曰。呂大夫者。名蒙。字蒙儒。八十六歲。曰。呂奉議者。名各。字仲

永樂大典卷三千四百四十五

五

儀。八十歲。於是王朝請為倡。請效洛陽故事。為九老會。相與作詩。記東陽之盛。公亦年八十間之。移書願預。且乞更名十老。會後竟不歸。願弗克遂云。

### 陳覺民

氏族類。蒙覺民。字達野。仙遊。拓山人。登進士第。元祐間。東坡知杭州。奉應制科。歷知建州。泉州。福建。運判。提刑。改廣

東提刑。知廣州。所至有風力。兩為鄉部使者。凡過郡邑。非公事。未嘗與僚屬妄交一談。人甚憚之。嘗過武夷。題詩云。昇真洞口接天門。靈草丹桃日

日春。聽說列仙來。瑞世三朝德業在斯民。章聖出。自武夷。事見楊大年家集。神考哲廟。亦皆武夷真君。應世。故有三朝德業之句。武夷真君。應世之

異士夫。鮮有知之者。故表而出之。

### 陳衍

宋史。官官傳。衍。開封人。以內侍給事。殿庭。業官。供備庫使。蔡惟簡薦。諸宣仁皇后。主管高韓王宅。領御藥院。內東門司。宣仁

山陵。為按行使。俄以左藏使。文州刺史。出真定。路都監。御史。來之郡。張商英劾其交通。貶徙珠崖。章惇起獄誣。元祐諸老大臣云。結衍輩以謀廢立。鍛鍊無所得。安。惇慕京乃奏。衍疏隔兩宮。斥隨龍內侍十餘人于外。以翦除主人。殘心。刑莫。意在動搖。大逆不道。乃詔處死。令廣西轉運使蒞其刑。



# 陳彥恭

宋汪藻浮溪集贈左太中大夫致仕陳公墓誌銘 左太

以書抵君之故人汪藻而告曰先大夫之殯不幸葬于兵間不暇求能言者識其墓今不肖孤老矣懼一旦先狗馬填溝壑使先人之平生泯泯然無以見世惟夫子哀而賜之銘以振耀陳氏使死而不朽先大夫實寵嘉之君奉使九路時治江南之番陽藻歸番陽與公游最久熟知君行治銘君固宜君諱彥恭字子愿其上世家閩之莆陽後徙名數姑蘇今為姑蘇人曾大父絳舉賢良方正景德間卒官左司諫主動之為祕書丞贈銀青光祿大夫銀青光祿大夫衛尉少卿以歿贈金紫光祿大夫金紫於君為皇考君少力學落筆過人父友蘇軾孫諤皆器而勉之中元祐某年乙科調太平州司法叅軍擢編修初令所刪定官改宣教郎出通判保州先是編修初令官蔡京以事屬君君不應銜之及是代還京當國除提舉河北東流物料不拜復通判鞏州鞏被邊官吏習用庫錢無所忌君洗手奉法不以一錢假人且條其宿贖十餘萬其風為變熙州帥姚雄請以弓箭手墾田實邊宣撫使童貫忌雄陰沮之州縣莫敢違公推行自如歲得米

永樂大典卷三百四十五

五

九萬斛實之至鞏也守率其下屬囊糶拜道左君獨朝服揖貫貫滋不平人為君惧君處之晏如會罷歸以免除提轄河東路坑冶鑄錢蔡京以其黨轉運使王桓兼之桓欲增監鼓鑄其數倍經公曰山澤之利不可竭祖宗之額不可踰以此病民吾不忍也桓怒以聞罷君歸吏部久之除提點九路坑冶鑄錢九路地餘百餘州其時居官者憚江湖嶺海之艱率家居可否事君周行萬里冒風波瘴癘而前至課贏十餘倍入大理為正拜尚書刑部郎中京師水環城浩然上以為憂命君出按使還台旨除戶部郎中戶部議留炭場朝廷以為非不樂君者護曰陳某實為此君受誣不實黜監滑州酒事白差知眉州丐閑得提舉江州太平觀還朝宰相欲以君為光祿少卿君曰吾不用於世久矣襄除豈吾事哉倚方數百里為天子牧民足矣語聞除知壽春府移泗州復還壽春會金人寇京師王室來告難君詔書泣下悉禁旅而西或曰世亂如此空一府無兵可乎君曰陛下安在而守臣欲留兵自衛耶以其師皆出東諸侯聞之無不愧服是冬詔令不出國門群盜紛然旁郡光黃等州皆陷叛將李安提兵及糧鼓鼙聞於壽劇賊李全亦並城宵掠城中兇懼公以計招安安許諾即單騎叩安營為之陳逆順禍福安不意君表變然下拜君知二寇不復合也乃教言

討賊。安以兵會之。臨陣斬金餘黨。皆殪。師還。虜搗安等。趣其兵。西安。茂慶不敢留。夜半引去。州以無事。歲餘。復請祠而歸。屬虜兵南度。避地。展轉數州。至會稽。請老。以疾終焉。春秋七十有二。實建炎三年。十月某甲子也。以某年某月某甲子。葬君平江府光祿山祖宗之原。妻令人梅氏。龍圖閣學士。擊之孫。先君四月卒。四子。長曰高。蚤世。次曰襄。奉議郎。龍游君也。次曰哀。宣義郎。出後君之長。尤某亦前卒。次曰衰。授承直郎。紹興府觀察判官。三女。北海。薄揚符。右承事郎。梁庭誨。迪功郎。彭燁。其婿也。君肝鬲洞然。平生不以一語欺人。服繼母。劉夫人。喪。哀毀骨立。王室在難。語輒流涕。忠孝純誠。蓋其天性。聞勝流奇士。必先就見。以身傾下之。苟非其人。雖在勢視之。亡如也。坐此連卷四十餘年。雖老而衰。猶不少貶。所至刺以誠。長者居官。嘗立奇釣。龍譽。既去。後人以為法。其守壽春。活人以千萬計。相與圖君像事之。至今壽春人奉祠不衰云。銘曰。國風中微。士習浮偽。誰護之臧。以直為否。陳君慨然。自別茲世。持身治人。一用其至。彼權者夫。威福唯意。吾躬可摧。寧汝軒軹。以茲數窮。材不容試。吾何悔追。白首彌屬。莫榮有終。莫樂無愧。後人求君。視此銘識。

### 陳府君

宋謝無逸溪堂集府君墓誌銘 始余不善地理學家有郭璞一行諸書以覆醬餽焉日者一錢不直及考三代載籍見古公亶父躍馬岐山之陽馬未輟鞍奉龜以告克協人謀龜人從公劉陟嶽降原以相陰陽幽居大理周公晚立湖濶之上揚火以作龜惟洛是食然後喟然歎曰地里書不可泯也如此哉於是友人陳之奇與其弟中將改葬皇祖府君諡於余曰皇祖葬十一年矣卜之日者不吉將遷之吉地焉君一言以蔽之余曰葬而吉家上一春土不可動也葬而不吉雖穿其墓舉其棺榘并而瘞諸輿塋是乃所以為孝也兩陳子曰君以為然吾將從事焉雖然微君文無以掩諸幽君其為我銘之乎泣曰昔我先考與府君遊從時予童子未知也先考没世三十年始識兩陳子愛其人肖懷磊磊無俗子氣遂與之定交歸以告先夫人夫人喜曰汝父與而祖遊驩甚乃孫又與汝善兩家子弟相勉以正能自樹立不辱其先吾之志也因盡告以先考平生游從賓客之賢者故予知府君大者最詳而細則畧焉府君自兒時端重不戲老成人也至耆艾矣經紀家事壯子弟不逮焉平居儼衣冠對客風貌凜然可畏客敬之如賢公卿耳其言衍衍以和雖詖諧笑謔而規誨寓焉客有奉其言以為訓終身為善人從其遊者自少



及老。不見一毫夫禮。猶子死。孀妻。孤童不能持門戶。府君調護其生事。訓飭其子。竟以克家。其治生。樹髮。薄苗。以至海舍地負。未嘗以此驕雅世俗。緼袍短褐。蕭然若處儒也。嗚呼。可謂恭儉君子矣。府君諱某。字某。臨川人。諱某之子。諱某之孫。諱某之曾孫。娶伍氏。生兩男。一女。男某有賢行。若干歲而卒。女嫁進士江某。孫男四。某蚤世之奇。之中。應進士舉。某尚幼。五女。孫皆配士人。元祐某年。十月壬辰朔己亥。府君終於寢。享年七十二。以七年正月甲申朔。十三日丙申。葬于某鄉某原。後十一年。歲在癸未。十二月癸酉。改葬于某鄉某原。時崇寧二年也。銘曰。先考雖賢。而壽不稱其德。府君雖壽。而年不永其嗣。此兩公者。既相從於地下。逸與乃孫。敢不承其志。

陳希微

茅山志。希微字彥真。姑蘇人。先名伯確。父之才。朝奉郎監江寧府糧料院。元祐中。伯確得伏連疾已困。詣劉先生乞符水治之。疾良愈。妻門下侍郎薛昂夫人之妹。會先卒。遂山居為道士。改名希微。築室柳沂泉上。徽宗聞其名。累詔不起。乃初所居為抱元觀。賜號洞微法師。宣和中。為人拜章。詰旦解去。

陳補

清漳志。補龍岩人。元祐間。與劉崇俱有詞賦聲。時人謂劉崇陳補。漳岩賦虎。劉既登科。陳遂隱跡於溪南。賦詩自娛。詩云。大不手持新相印。小無人嫌大君符。門前溪水綠如茶。好把一竿秋釣鱸。

陳綱

宋黃庭堅豫章集。陳少張墓誌銘。君諱綱。少張字也。眉州青衣陳氏。曾大父顯忠。贈尚書兵部侍郎。大父希世。贈職方員外郎。父諭。職方員外郎。知蜀州。及叔父大常。少卿希亮。兄太子中允庸。同年登進士第。眉州號其所居坊曰三俊。蜀州官不達。乃買田某縣。而葬於洛師。遂為汝州某縣人。君天資明爽。奇書異聞。無所不讀。銳意舉進士。三絀於有司。乃歎曰。吾為功名乎。今富貴而有功於民。垂名不朽者。誰耶。吾為溫飽乎。田園豈不足哉。遂沉浮里中。三十餘年。築居第。重堂複屋。寓意於花竹間。居雖富。未嘗什一也。方開書館。欲聘奇士與游。今子弟作佳進士。以雪耻。不幸死矣。享年五十有四。實元祐某年三月初九日。初室郭氏。天章閣待制輔之女。繼室蒲氏。福州閩清縣令遠猶之女。六男子。寧之三。班奉職。寬之。完之。學進士。宰之。宜之。寂之。尚幼。兩女子。長嫁進士朱麓。次在室。後九年。蒲夫人及諸子。乃克葬君子蜀州之墓次。而寬之。走陳留乞銘。

於予。予曩為葉尉與君游相好也。又與君有連。其可不銘。銘曰。赫赫兮計行。默默兮心亨。過隙拱木兮同散。佳城兮鬱鬱。水深兮卜吉。谷為陵兮見

白日。勅於銘。兮詔勿伐。

### 陳憲之

宋陳權子齊集憲之墓誌銘。君諱之翰字憲之。明州鄞縣人也。殿中丞。贈朝散大夫諱翔之子。君少有志操。治經

求其大旨。為文不蹈襲時語。三上禮部不中第。因不復應舉。歸求其志。其所躬行。繼母曰孝。兄曰悌。弟曰友。朋友信之。大夫君四子。伯曰伯達。叔曰伯脩。季曰伯彊。君仲也。元祐甲子。權倖州事。以疾尋醫。寓居湖西。與君接屋而居。因得過從。凡鄉評之所以與君。君熟考之。皆信。逮今二十年。君與伯季皆已卒矣。而家習輯睦。雍雍怡怡。不少衰也。陳氏皆業園厚。自大夫君即世。伯不喜事事。以家務委君。君平於處治。不為纖嗇。貨日益耗。而後生之為善者。輕彼重此。知所法象。計其所得孰多。必有能辨之者矣。鄉人初貸君黃金。後攜以償君。適在汴舟。其人給曰。金誤墜水。君不疑也。後數年。其人內悔。疾且死。遣其子來謝。致所當償。君亦受而不拒。且嘉其能改。徐以所償助其喪葬。君於主事類此者不一。此豈為富之術哉。崇寧二年。詔

永樂大典卷三千四百五

五

舉遺逸。鄞之賢士大夫。聞而相語曰。此可以得憲之矣。州及部使者。用眾論薦君于朝。天子官之。知君行實而喜。朝廷之得士者。非特鄞之賢士大夫而已也。君氣和言溫。與人交久益恭。口不道人之過。以誠叩之。邪正黑白。不少私也。平居飲酒賦詩。隨境緣適。若無營于世者。至於尚論古今。自春秋以來。千餘年事。是非得失。闕畧細故。獨取其大者論之。使君得試其所知。大小先後。必有攸叙。其不負天子之詔也。決矣。久鬱而始通。方流而遽涸。非命也歟。予頃自合浦蒙恩得歸。君亦被命而還。適從尤數。君病亟。予往問之。坐與予語。久之。歸未及舍。而君已歿矣。夫觀三年。六月二十五日也。享年六十。娶姚氏。尚書屯田員外郎甫之女。男二人。曰慶。曰廓。女一人。為比丘尼。孫男九人。政和元年四月。君弟及之。與庾廓自鄞遣人來通。以書屬予曰。將以今年五月壬午。啓夫人姚氏之殯。與君合葬于鄞之翔鳳鄉隱學山。大夫君之域。願得一言以刻于石。予與及之友善。而二人皆孝。於憲之銘。其何可辭。銘曰。為善於家。去聞取達。考諸鄉評。嚴副其實。詔搜岩穴。幽遠不遺。坎中流矣。而涸於斯。人孰不壽。胡嗇爾年。立而不感。時能達天。



陳汝錫

處州志汝錫字炳子青田人幼穎悟數歲能屬文或以其詩一聯示黃庭堅曰閑愁莫浪遣留為痛飲資黃擊節稱

賞宋紹聖四年由太學進士第邑之登第自汝錫始崇寧間諸路學事始置提舉首除提舉福建學事官至浙東安撫使有鶴溪集刊于郡齋子

以父任終通判漳州

著蒙隱集刊于宜春

永樂大典卷之三十一百四十五

永樂大典卷三十一百四十五

二十六